



Inatsisartunut ilaasortamut  
Aqqalu C. Jerimiassen,  
Atassut

05-03-2024  
Suliap normua 2024 - 4085  
Allakkiap ilisarnaataa 23910506

Postboks 260  
3900 Nuuk  
Oqarasuaat (+299) 34 50 00  
Nassitsigasuaat (+299) 34 66 66  
E-mail: iian@nanoq.gl  
www.naalakkersuisut.gl

## **Tappiitsunut isigiarsuttunullu siunnersuisarnermut tunngatillugu § 37 aallaavigalugu apeqqummut nr. 167-2023-mut akissut**

Asasara Aqqalu C. Jerimiassen.

Apeqqutinut qujanaq. Apeqqutit tullinnguuttut ataasiakkaarlugit assilineqarsimapput, akissutinik tullegarlutik.

Aallarniutitut ilisimatitsissutigineqarsinnaavoq, Naalakkersuisut Synscenter Refsnæsillu siusinnerusukkut isumaqatigiissutigisimasaanni tullinnguuttunik imaqarmat:

- Meeqqanut inuusuttunullu isiginiarnermikkut innarluutilinnut 0-21-mut ukiulinnut Synscenter Refsnæsimit immikkut ilitsersuinerit.
- Avataaniit ilitsersuinerit (oqarasuaatikkut, e-mailikkut, nassitsigasuaatokkut, allakkatigut).
- Kalaallit Nunaannut angalanissamat ilitsersuutit tappiitsunut suliassa qarfimmi isigiarsuttunullu suliassa qarfimmi siunnersuisartunit isumagineqartut. Angalanissamat ilitsersuineri imarineqartut ilaatigut tassaapput illoqarfinni toqqakkani oqaloqatiginninnerit, napparsimavinnut peqqissaavinnullu pulaarnerit, sulianik suliarinnittartunik ataatsimeeqateqarnerit taavalu paaqqinnittarfinnut pulaarnerit.
- Allaffissorneq allatsimiillu ikiorneqarneq.
- Ilinniartitaanermi atortut.

### **1. Naalakkersuisut tappiitsunut isigiarsuttunullu siunnersuisarnerup 1. januar 2022 unitsinneqarnerata kingorna kommuninut atuarfeqarfinnullu siunnersuisarnerup aallartisaqqinnissaanik pilersaaruteqarpat?**

Naalakkersuisut Synscenter Refsnæsimit isumaqatigiissuteqarnissartik soqutigivaat, taamaaliornikkut meeqqat inuusuttullu isiginiarnermikkut innarluutilit suli siunnersorneqarsinnaassallutillu immikkut ittunik ilitsersuunneqarsinnaassammata.

Meeqqanut inuusuttunullu isiginiarnermikkut innarluutilinnut tapersersuineq pillugu § 37 naapertorlugu apeqqummut nr. 192-2022-mut akissut naapertorlugu, isumaqatigiissut nutaaq ima isikkoqarsinnaavoq "... Synscenter Refsnæsip naleqquttumik akuttussusilerlugu Pissassarfimmut tikeraartarnissaa ilaasinnaavoq.



Synscenter Refsnæsip tikeraarnerata nalaani kommunit meeqqat inuusuttullu isiginiarnermikkut innarluutilit Pissassarfimmiinnissaanut innersuussisinnaasariaqarput. Synscenter Refsnæs 2021-p tungaanut ilanngullugulu kommunini assigiinngitsuniissimavoq kiisalu Nuummi Dronning Ingridip Napparsimavissuaniissimalluni. Aaqqissuussinerup nutaap meeqqanik inuusuttunillu isiginiarnermikkut innarluutilinnik ataatsimoortitsisup qaninnerusumik malinnaaffiginninneq qulakkiissavaa sapinngisamillu amerlanerpaat akulikinnerusumik immikkut ittumik siunnersorneqarnissamut periarfissaqalissapput<sup>1</sup>.

## 2. Naalakkersuisut tappiitsunut isigiarsuttunullu siunnersuisarnermut suliaq aallartisaqquissappassuk siornatigut Refsnæs Syncenterimiit siunnersuisarnikkut suliarineqartarsimasoq kikkut akisussaaffigilissavaat?

Refsnæs Synscenter sulii Kalaallit Nunaanniilersimangitsumik immikkut ilisimasaqarpoq. Taamaattumik Naalakkersuisut Synscenter Refsnæsimek isumaqatigiissuteqarnissartik soqutigivaat. Meeqqanut inuusuttunullu isiginiarnermikkut innarluutilinnut siunnersuinissamut ilitsersuinissamullu akisussaaffik Naalakkersuisuniippoq. Tappiitsunut isigiarsuttunullu siunnersuisarnissaq eqqarsaatigalugu Kalaallit Nunaanni immikkut ilisimasani katersinissaq piffissaq ungasinnerusoq isigalugu kissaatiginarpoq.

Synscenter Refsnæsimek isumaqatigiissuteqarnissamut atatillugu meeqqat inuusuttullu tappiitsut isigiarsuttullu siunnersorneqarnissamik ilitsersorneqarnissamillu pisariaqartitaat pillugit Naalakkersuisut kommuninik qanimut oqaloqateqarnissartik kissaatigaat.

Ilanngullugu oqaatigineqassaaq Naalakkersuisut Synscenter Refsnæsillu akornanni isumaqatigiissutaasussami ilaatigut Pissassarfimmi Synscenter Refsnæsip pikkorissartitsineratigut atuarfinit siunnersuisarneq ilitsersuisarnerlu aamma ilaassammata.

Inussiarnersumik inuulluaqqusillunga

Aqaluaq B. Egede

<sup>1</sup> Jens Napātök, Naleraq, Meeqqanut inuusuttunullu isiginiarnermikkut innarluutilinnut tapersersuineq pillugu § 37 naapertorlugu apeqqutaanut nr. 192-2022-mut akissut,